

KOPERASI SURUHANJAYA PENCEGAHAN RASUAH MALAYSIA BERHAD
D/A IBU PEJABAT SPRM
ARAS 7, BLOK C, NO.2, LEBUH WAWASAN, PRESINT 7, 62250
WILAYAH PERSEKUTUAN, PUTRAJAYA

ATURAN BANTUAN URUSAN KEMATIAN DAN
BANTUAN PEMBAYARAN YURAN KEAHLIAN

1. TAJUK

- (a) Aturan ini adalah dinamakan **Aturan Bantuan Urusan Kematian Dan Bantuan Pembayaran Yuran Keahlian**.
- (b) Aturan ini diwujudkan di bawah Undang-undang Kecil 9(3) Koperasi ini dan dikuatkuasakan melalui persetujuan mesyuarat agung Koperasi ini pada **23 Disember 2020** dan dikemukakan kepada Suruhanjaya.

2. TAFSIRAN

Dalam aturan ini, melainkan jika konteksnya menghendaki makna yang lain:-

- (a) “**Koperasi**” atau “**Koperasi ini**” ertinya Koperasi Suruhanjaya Pencegahan Rasuah Malaysia Berhad (KOSPERA) yang didaftarkan di bawah Suruhanjaya Koperasi Malaysia (SKM).
- (b) “**Anggota**” ertinya seseorang yang telah mendaftar menjadi anggota Koperasi ini dan yang telah memenuhi kehendak Undang-undang Kecil Koperasi ini.
- (c) “**Lembaga**” ertinya Ahli Lembaga Koperasi (ALK) yang dilantik untuk memantau aktiviti dan pengurusan keseluruhan.
- (d) “**Exco**” ertinya anggota yang dilantik oleh Ahli Lembaga Koperasi (ALK) untuk menguruskan aktiviti ini.
- (e) “**Suami/isteri**” ertinya suami atau isteri anggota Koperasi ini yang sah di sisi undang-undang.
- (f) “**Keluarga**” termasuklah anak-anaknya yang mana termasuk juga anak angkatnya yang sah disisi undang-undang dan anak-anak tirinya. Keluarga anggota juga termasuk ibu dan bapa kandung mereka.
- (g) “**Yuran Keahlian**” adalah merujuk kepada yuran tahunan yang perlu dibayar oleh setiap pegawai yang menjadi ahli Yayasan Prihatin Suruhanjaya Pencegahan Rasuah Malaysia dan Kelab Sukan Dan Rekreasi Suruhanjaya Pencegahan Rasuah Malaysia.
- (h) “**Yayasan**” ertinya Yayasan Prihatin Suruhanjaya Pencegahan Rasuah Malaysia.
- (i) “**KSR**” ertinya Kelab Sukan Dan Rekreasi Suruhanjaya Pencegahan Rasuah Malaysia sama ada di SPRM Negeri atau di Ibu Pejabat SPRM.
- (j) “**Mesyuarat Agung Koperasi**” ertinya mesyuarat agung koperasi tahunan seperti diperuntukan dalam Undang-undang Kecil 25.
- (k) “**Undang-undang Kecil**” ertinya Undang-undang Kecil Koperasi ini dan termasuklah sebarang pindaan berdaftar kepadanya.

3. TUJUAN

Tujuan **Aturan Bantuan Urusan Kematian Dan Bantuan Pembayaran Yuran Keahlian** (selepas ini disebut "**Aktiviti Ini**") diwujudkan ialah untuk:-

- (a) Membolehkan anggota dan tanggungan mereka mendapat bantuan, kemudahan dan faedah dari Koperasi ini dan seterusnya meringankan beban kesusahan dan kesulitan atas pelbagai musibah dan malapetaka yang dialami.
- (b) Sebagai garis panduan untuk mengurus dan mengawal perjalanan aktiviti ini dengan sempurna.
- (c) Sebagai punca kuasa untuk mendapatkan sumber kewangan sebagai dana menjalankan aktiviti di bawah aturan ini.

4. SUMBER KEWANGAN

Sumber kewangan bagi melaksanakan aktiviti ini diperoleh daripada;

- (a) Peratus (%) daripada keuntungan bersih Koperasi ini yang diluluskan oleh mesyuarat agung mengikut Undang-Undang Kecil) Koperasi ini;
- (b) Sumbangan dari anggota dan pihak-pihak lain;
- (c) Mana-mana sumber kewangan lain yang dibenarkan menurut Akta Koperasi, Peraturan dan Undang-undang kecil; dan
- (d) Potongan **RM5.00 sebulan** dari gaji tiap-tiap anggota.

5. PENTADBIRAN DAN PEMANTAUAN

- (a) Lembaga Koperasi ini hendaklah bertindak sebagai pengurus dan pemegang amanah sumber kewangan sepertimana peruntukan Undang-Undang Kecil.
- (b) Bagi melancarkan pentadbiran dan pemantauan, Lembaga akan melantik 5 Exco yang bertanggungjawab sepenuhnya untuk memantau operasi aktiviti ini dari semasa ke semasa di bawah Undang-Undang Kecil 49(2).
- (a) Exco juga akan dibantu oleh kakitangan pentadbiran Koperasi ini untuk menjalankan urusan-urusan berkaitan dan melaporkan kepada Lembaga.

6. KELAYAKAN

Kelayakan anggota Koperasi menerima bantuan ini tertakluk kepada syarat-syarat berikut;

- (a) Telah menjadi anggota Koperasi ini dan telah membayar Modal Syer sekurang-kurangnya RM100.00; dan
- (b) Telah menjadi ahli tidak kurang dari enam (6) bulan.

7. JENIS BANTUAN DAN KADAR SUMBANGAN

- (a) Koperasi bolehlah memberikan bantuan kepada anggota melalui aturan ini atas kadar seperti berikut;

PERKARA	SYARAT	KADAR (RM)
Bantuan Urusan Kematian (a) Anggota (b) Isteri / suami (c) Ahli keluarga	- Dokumen pengesahan kematian	(a) RM1000.00 (b) RM500.00 (c) RM300.00
Bantuan Bayaran Yuran Keahlian (a) Yayasan (b) KSR	- Memenuhi syarat keahlian Yayasan dan KSR	(a) RM10.00 setahun (b) mengikut kadar seperti di Jadual 1

- (b) Jumlah bantuan bagi tujuan selain daripada yang ditetapkan di dalam jadual di atas adalah bergantung kepada budi bicara Lembaga untuk menentukannya.

8. CARA TUNTUTAN/BAYARAN

- (a) Secara dasarnya Exco akan bertindak menyalurkan bantuan kepada Anggota yang layak bagi Bantuan Urusan Kematian setelah informasi dan pemakluman yang diperolehi melalui saluran rasmi jabatan ataupun lain-lain punca.
- (b) Walaubagaimanapun, sekiranya tiada tindakan, semua Anggota layak membuat tuntutan untuk mendapatkan Bantuan Urusan Kematian mengikut syarat-syarat aturan ini dan hendaklah dibuat dengan menggunakan borang rasmi yang disediakan berserta dengan dokumen-dokumen sokongan sebelum diperakukan oleh Exco.
- (c) Bagi Bantuan Bayaran Yuran Keahlian, Exco akan menguruskan bayaran secara terus kepada Yayasan dan KSR dengan syarat Anggota memenuhi syarat keahlian di bawah perlembagaan dan peraturan pihak Yayasan dan KSR.
- (d) Exco berhak membuat keputusan kelulusan berdasarkan syarat dan kelayakan di bawah aturan ini serta melaporkan kepada Lembaga.

9. KAEDAH PENENTUAN KADAR SUMBANGAN

- (a) Kadar sumbangan yang boleh dibayar oleh Lembaga kepada sesuatu permohonan itu adalah berdasarkan rujukan jadual seperti di para 7(a), walaubagaimanapun, ianya bergantung kepada kedudukan kewangan semasa Kumpulan Wang ini.
- (b) Keputusan Lembaga dalam menentukan kadar sumbangan yang boleh diberikan kepada sesuatu permohonan itu adalah muktamad.
- (c) Sebarang perubahan ke atas ketetapan yang telah dipersetujui di dalam jadual di para 7(a) perlulah di bawa ke dalam Mesyuarat Agung untuk dibentang dan diluluskan.


10. PENANGGUHAN SEMENTARA ATAU PEMULIHAN AKTIVITI

- (a) Jika kedudukan kumpulan wang ini tidak mengizinkan lagi untuk menyalurkan bantuan, maka Lembaga hendaklah menggantung aktiviti ini sehingga kedudukan kewangannya dipulihkan semula.
- (b) Semua anggota hendaklah dimaklumkan melalui surat-surat pekeliling mengenai penangguhan atau pemulihan semula Kumpulan Wang ini.

11. PERTIKAIAN


Jika berbangkit sebarang perselisihan faham atas tafsiran Aturan ini atau timbul apa-apa pertikaian mengenainya, maka pertikaian itu hendaklah dirujuk kepada Suruhanjaya mengikut Undang-Undang Kecil 81 Koperasi ini.

Aturan ini telah dibentang dan diluluskan di dalam mesyuarat agung tahunan koperasi pada **23 Disember 2020**.




**(Dato' Shamsun Baharin Bin
Mohd Jamil)**

Pengerusi



**(Megat Nor Esham Bin Megat
Mohd Salleh)**

Setiausaha



(Siti Zakiah Binti Che Man)

Bendahari